

Inuussutissarsiutinik ilinniartitsinerit soraarummeertarnerit pillugit Namminersorlutik Oqartussat nalunaarutaat nr. 4, 18. marts 2015-imeersoq

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni nr. 10-mi, 19. maj 2010-meersumi, Inatsisartut inatsisaatigut nr. 3, 4. juni 2012-imeersukkut allanngortinneqartumi § 22, § 27, imm. 4 aamma 5 aammalu § 63, imm. 2 naapertorlugit aalajangerneqarput:

Kapitali 1

Nassuiaatit

§ 1. Soraarummeerneq imatut paasineqassaaq tassalu misilitsinnermi inaarutaasumik nalilersuineq, tassani soraarummeertitsisoq avataaneersoq nalilersueqataassalluni, misilitsinnerullu nalilerneqarnera ilinniartup soraarummeernermini angusaasa katinnerinut ilanngullugu naatsorsorneqassalluni ilinniartullu soraarummeernermit ilinniarnermullu uppernarsaataanut allanneqassalluni.

Imm. 2. Allattariarsorluni soraarummeerneq imatut paasineqassaaq tassalu suliasat ilinniartup saqqummiunneqartut imaluunniit noqqaassutigineqartut ilinniartup allattariarsorluni akisassai.

Imm. 3. Oqaluttarissamik soraarummeerneq imatut paasineqassaaq tassalu suliasat ilinniartup saqqummiunneqartut imaluunniit noqqaassutigineqartut ilinniartup oqaluttariarsorluni akisassai.

Imm. 4. Ataasiakkaarluni soraarummeerneq imatut paasineqassaaq tassalu soraarummeerneq, ilinniartut ataasiakkaarlutik saqqummiiffigisaat.

Imm. 5. Eqimattakkaarluni soraarummeerneq imatut paasineqassaaq tassalu ilinniartut eqimattatut ataatsikkut soraarummeernerat, ilinniartut eqimattakkaatut peqatigiillutik saqqummeeqatigiiffigisaat, ilinniartut ataasiakkaatut angusarisanik nalilersuiffigineqaraluarpataluunniit nalilersuiffigineqanngikkaluarpataluunniit.

Imm. 6. Napparsimalluni soraarummeerneq imatut paasineqassaaq tassalu nutaamik soraarummeerneq, nakorsamit allagartaqarluni napparsimaneq pissutigalugu ilinniartoq soraarummeernerup aallartinnissaanut naammassinissaanulluunniit periarfissaqarsimangippat.

Imm. 7. Soraarummeeqinneq imatut paasineqassaaq tassalu tamakkiisumik ilaannakuusumilluunniit soraarummeerluni misilitseqqinnissamut periarfissaq, saniatigut misilitseqqinnertut naatsorsuutiginaq.

§ 2. Soraarummeernermit ullorsiutit imatut paasineqassapput tassalu ukiumi atualerfiusumi aallarteqatigiinnut tamanut pilersaarutit, soraarummeernerit qaqugukkut ingerlanneqarnissaanut piffissat, soraarummeernermit suliasat il.il. aallartinnerinut naammassinissaanullu ullussaliussat

pillugit kiisalu napparsimasoqassappat soraarummeernissaasa piffissaannut ataatsimut pilersaarutit.

Imm. 2. Soraarummeernerit allattorsimaffiat imatut paasineqassaaq tassaasoq allakkatigut uppersaataat, soraarummeernerup qanoq ingerlanneqarneranik nassuiaasoq.

Imm. 3. Angusarisanut allattuiffik imatut paasineqassaaq tassalu soraarummeernermi angusarisanut allattuiffik ilinniartunut soraarummeernermi pineqartumi angusarisimasanut takussutissiaq.

§ 3. Inuussutissarsiummik ilinniarnermut pineqartumut ilinniarnermut pilersaarut ilinniarfinnut ataasiakkaatut atuutsinneqartoq naapertorlugu angusanik piumasaqaatinillu aalajangersakkat malillugit ilinniartup soraarummeernermini qanoq angusaqarsimatigineranut uppersaataaassaaq.

§ 4. Ilinniarfik imatut paasineqassaaq tassalu qitiusumik ilinniarfik imaluunniit inuussutissarsiutinik ilinniarfik, tamanna Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni § 3 naapertorlugu.

Kapitali 2

Soraarummeernernik aaqqissuussinerit

§ 5. Ilinniartitaanermut Naalackersuisoqarfik soraarummeernernut pingaarnertut akisussaasuvoq nakkutillisuullunilu. Soraarummeernerit ingerlanneqarnerini atugassarititaasut Ilinniartitaanermut Naalackersuisoqarfiup aalajangersassavai.

Imm. 2. Ilinniarfimmi soraarummeernerit ingerlannissaannut ilinniarfik akisussaasuvoq.

§ 6. Soraarummeernermi suliasat ilinniarfimmit saqqummiunneqassapput, inuussutissarsiornermik ilinniarnermut pineqartumut ilinniarnermut pilersaarummi allamik aalajangersaasoqarsimanngippat.

Imm. 2. Soraarummeernerit suut taakkulu qassiunissaat inuussutissarsiutinik ilinniarfinni ataasiakkaani ilaatinneqartut inuussutissarsiutinik ilinniarfiit ataasiakkaatut ilinniartitsinerimut pilersaarutaanni imaluunniit tamanna pillugu maleruagassatut aalajangersagaanni allassimassapput, tassani soraarummeernerit imminnut pingaaruteqassusii ilinniarnerule naammassinera pillugu uppersaammik tunniussinissamut piumasaqaatit aamma allassimassallutik.

Imm. 3. Ilinniarfiit, ilinniarnernik assigiinnik neqerooruteqartut, suliasanik saqqummiussisinnaapput ilinniarfinnut pineqartunut ataatsimoorussaasunik.

§ 7. Angusassat piumasaqaatillu soraarummeernernut pingaaruteqartut suunerinik ilinniartut ilisimatinnissaannut ilinniarfik pisussaaffeqarpoq aammalu soraarummeernerit ingerlannerinut maleruagassat pillugit ilinniartut peqataasullu allat ilisimatinnissaannut, tamanna imm. 2 aamma 3 naapertorlugit.

Imm. 2. Soraarummeernerni peqataasinnaanermut piumasaqaatit assersuutigalugit ilinniartitsinerimut peqataanissaq, soraarummeernerni misilitsinnernilu allani angusisimanissaq, suliasanik tunniussisarnissaq, soraarummeersitseriaatsit misilitsitseriaatsillu kiisalu taakku nalilersornerinut tungavigisat inuussutissarsiornermik ilinniarfiit ataasiakkaatut ilinniartitsinerimut pilersaarutaanni

allassimassapput.

Imm. 3. Ilinniarfik soraarummeernermit malittarisassaliussaaq taannalu tamanut saqqummiullugu, tassani makku allassimassallutik:

- 1) Nalunaarnissaq, tamanna toqqaannartumik pissangippat, soraarummeernissanut siunnersuutit peqataasinnaannginnermillu nalunaarutaasinnaasut, napparsimanermi peqataasinnaannginnermik nalunaarnerit aammalu nakorsap uppersaataani piffissaq eqqorlugu tunniussinissaq ilanngullugit.
- 2) Soraarummeersitseriaatsit, ilinniartup soraarummeersitseriaatsit arlaqartut akornanni toqqaasinnaanera aammalu akissuteqarnermi ilusissanik piumasaqaatit ilanngullugit.
- 3) Ilinniarnermik suliat aamma suliasanik suliniutinillu il.il. tunniussisarneq pillugit piumasaqaatinik naammassinnineq, tamanna soraarummeernermit peqataanissamut piumasaqaataasoq, tamanna § 7, imm. 2 naapertorlugu.
- 4) Tunngaviusumik soraarummeerutissap soraarummeernermit ingerlanneqarnera, tassunga ilanngullugit suliasanut, suliniutinut, naalisakkanut pisortatigoortumik piumasaqaatigineqartut ilinniartup suliarisassai.
- 5) Soraarummeernerup nalilersorneranut tunngaviusoq.
- 6) Iluaqusersuutiniq atuineq.
- 7) Soraarummeernermit oqaatsit atorineqartut.
- 8) Soraarummeernermit atugassarititaasut immikkut ittut.
- 9) Nammineq allallu suliaannik atuineq.
- 10) Pissusissamisunngitsumik pisoqarnerani suleriaaseq.
- 11) Naammagittaallioqarnerani suleriaasissaq, tassunga ilanngullugu naammagittaalliuutit sumut ingerlatinneqartassanersut.
- 12) Soraarummeertut kinaanerisa uppersarneri.

Imm. 4. Imm. 3, nr. 4-mi atortussatut taaneqartut ilinniartunit eqimattakuutaanit suliarisaappata, pisortatigoortumik piumasaqaatit naammassinissaannut ilinniartut ataatsimoorlutik akisussaasuupput. Piumasaqaatit naammassineqanngippata, ilinniartut pineqartut arlaannaalluunniit soraarummeersinnaanngilaq, pissutsit immikkut ittut eqimattakkaani ilinniartut ilaannit arlalinnilluunniit nutaamik misilitsinnissamut tunngavilersuutaasinnaasut pineqartinnagit.

Imm. 5. Paasissutissat imm. 1-4-mi taaneqartut ilinniarfiup nittartakkamigut tamanut saqqummiutissavai.

§ 8. Ilinniarfik ukiut tamaasa soraarummeernissamut ullorsiusiortassaaq tamanullu saqqummiullugit, tamanna § 2, imm. 1 naapertorlugu.

Imm. 2. Soraarummeernerup ingerlanneqarnissaanut atatillugu suliasaalunnut suleriaatsinullu tunngasut ilinniarfiup tamanut saqqummersissavai.

Imm. 3. Ilinniartut immikkut ataasiakkaarlugit eqqarsaatigalugit piffissanit, soraarummeernerit angusiffiginissaannut imm. 1-imi aalajangersakkanit immikkut akuerineqarsinnaapput, erninermik, ilungersunartumik napparsimanermik imaluunniit pissutsinik allanik ilinniartumut pisuussutaangitsumik tunngavilersorneqarpat.

Soraarummeersinnaaneq

§ 9. Soraarummeernissanut tamanut peqataanissamut peqataasinnaannginnermullu nalunaarnissat qaqugu pinissaannut piffissaliinerit ilinniarfiup aalajangersassavai tamanullu saqqummiullugit.

Imm. 2. Peqataasinnaannginnermut nalunaarnissamut killissaliisoqarsimangippat, soraarummeernerup aallartinnerani peqataasinnaannginneq nalunaarutigineqarsinnaavoq.

Imm. 3. Ilinniarfiup ilinniartitsinerimut pilersaarummi aalajangersarsinnaavaa, peqataanissamut pisussaaffimmik naammassinninneq aammalu sulianik immikkullu suliamik il. il. tunniussinerit soraarummeernissamut piumasaqaataassasut.

Imm. 4. Ilinniarfiup imm. 3 malillugu piumasaqaatinik avaqqussisinnaavoq erninermik, ilungersunartumik napparsimanermik, uppersaasikkamik innarluuteqarnermik imaluunniit pissutsinik pingaaruteqartunik, ilinniartumut pisuussutaanngitsunik tunngavilersorneqarpata.

§ 10. Soraarummeerneq angusiffiusoq uteqqinneqarsinnaanngilaq.

Imm. 2. Soraarummeernerit kittaartumik soraarummeernernik immikkoortortaqpata, soraarummeernerimik immikkoortoq angusiffiunngitsoq, uteqqinneqarsinnaanngilaq, tamakkiisumik soraarummeernerimik angusisimagaanni.

Imm. 3. Maleruagassat imm. 2-mi aalajangersarneqartut atuutissanngillat, ilinniartitaanermut pineqartumut ilinniartitsinerimut pilersaarummi allamik aalajangersaasoqarsimappat imaluunniit ilinniartitaanermut tamanna pillugu maleruagassanik immikkut ittunik aalajangersagaqarpata.

Imm. 4. Soraarummeerutaasumi angusisoqanngippat, ilinniartoq soraarummeernissamut suli nalunaarsimasutut isigineqassaaq, taamaalilluni ilinniartoq soraarummeerutissap taassuma assingata ingerlanneqarnissaanut nalunaarsoreersimassalluni, taamaattoq imm. 5 naapertorlugu.

Imm. 5. Ilinniartoq amerlanerpaamik pingasoriarluni soraarummeerutaasup assinganik misilitsissinnaavoq.

Imm. 6. Imm. 5-imi maleruagassanik ilinniarfik immikkut akuersissuteqarsinnaavoq, tamanna erninermik, ilungersunartumik napparsimanermik imaluunniit pissutsinik utoqqatsissutaasinnaasunik allamik, ilinniartumut pisuussutaasinnaanngitsuni tunngavilersuutissaqarpata.

§ 11. Ilinniartoq, allakkatigut uppersaateqartumik napparsimaneq pissutigalugu imaluunniit naatsorsuutiginnisat allat pissutigalugit soraarummeernerimik najuunnissaminut ingerlannissaanulluunniit ilinniartup pisuussutiginnisaanik akornuserneqarpata, soraarummeernerup napparsimasutut soraarummeernertut ingerlannissaanut piaarnerpaamik periarfissinneqassaaq.

Imm. 2. Soraarummeerneq ilinniarnepum immikkoortuanut kingullermut inissinneqarsimappat, ilinniartup piffissaliunneqartumi tassani imaluunniit taassumunnga sivitsuutaasumi napparsimasutut soraarummeersinnaanera periarfissaassaaq.

Imm. 3. Ataatsimoortumik soraarummeernerimik soraarummeernerit immikkoortut arlaqarpata, immikkoortumut soraarummeerneq, allakkatigut uppersaaserlugu napparsimaneq pissutigalugu naammassineqanngitsoq, ataatsimoortumik soraarummeerneq angusiffiuppat, uteqqinneqarsinnaanngilaq. Taamaattoq tamanna atuutissanngilaq, ilinniakkamut pineqartumut ilinniartitsinerimut pilersaarummi allatut aalajangersaasoqarsimappat imaluunniit tamanna pillugu ilinniartitaanermut maleruagassanik immikkut ittunik aalajangersagaqarpata.

§ 12. Ilinniarnertup ingerlateqqinnissaanut soraarummeernermit angusinissaq piumasaqaataasoq ilinniartitaanermi ilinniartitsinermut pilersaarummi imaluunniit ilinniartitaaneq pillugu maleruagassatut aalajangersakkani allassimassaaq.

§ 13. Soraarummeernermit angusat pissutigalugit ilinniartup ilinniarnini ingerlateqqissinnaangikkaangagu, ilinniartoq ilinniarfimmit angerlartinneqassaaq, ilinniartup ilinniarnertup ingerlanneqartup uteqqinnissaanut ilinniarfiup akuerinngippagu.

Imm. 2. Ilinniartup ilinniarfimmit taamaatinnerani ilinniarnertup ingerlateqqinnissaanut periarfissanik naleqquttunik allanik ilinniarfiup ilinniartoq taassumunngalu angajoqqaajusutut oqartussaasut ilitsersuussavai, ilinniarnertut allamut imaluunniit ilinniarnertut inuussutissarsiornermulluunniit aallarniutitut pikkorissarnertut nuussinnaanertut periarfissat ilanngullugit.

Kapitali 4

Soraarummeeriaatsit nalilersuinerillu

§ 14. Ilinniarnertut pineqartumut ilinniartitsinermut pilersaarummi imaluunniit ilinniarnertup pillugu maleruagassani aalajangersarneqassaaq, ilinniarnertut immikkut ataasiakkaanut atatillugu soraarummeernerit eqqarsaatigalugit soraarummeeriaatsit suunersut, allattariarsornermik, oqaluttariarsornermik, ataasiakkaarluni eqimattakkaarlunuunniit soraarummeernerit pineqarnersut ilanngullugit.

Imm. 2. Soraarummeernermit suliasat ilusissaannut piumasaqaataasinnaasut ilinniarnertut immikkut ataasiakkaarlugit ilinniartitsinermut pilersaarutaanni aalajangersarneqassapput.

Imm. 3. Akissut piumasaqaatit malillugit suliarineqarsimanngippat, ilinniarfiup akissut akuerimanngissinnaavaa. Taamatut pisoqartillugu akissut nalilerneqassanngilaq ilinniartorlu soraarummeernermit misiliinermik ataatsimik atuisimasutut isigineqassalluni, tamanna § 10, imm. 5 naapertorlugu.

§ 15. Soraarummeerneq eqimattakkaatut soraarummeernertut aqqissuussaagaangat, eqimattakkaatut soraarummeernertut ataasiakkaatut ilinniartut peqataasut amerlanerpaaffissaat, ilinniartitsinermut pilersaarummi aalajangerneqassaaq aammalu ilinniartoq ataasiakkaatut soraarummeersinnaanersaq.

Imm. 2. Eqimattakkaatut soraarummeernertut aammalu ilinniartut kisimiillutik soraarummeernerit ilinniartut nammineerlutik naammassisaat nalilerneqassapput.

§ 16. Oqaluttariarsorlutik eqimattakkaatut soraarummeernertut, ilinniartut ataasiakkaatut soraarummeersinneqassapput, taamaalilluni ilinniartup nammineerluni naammassisaasa nalilersornissai qulakkeerneqarlutik.

Imm. 2. Oqaluttariarsorlutik eqimattakkaatut soraarummeernertut piareersarnerit piffissap nalilersuinermit atugassanngortinneqartup ilinniartut nalilersuinermit peqataasut amerlassusiinut naleqquttuunissaa qulakkeerneqassaaq.

Imm. 3. Allattariarsorluni eqimattakkaatut soraarummeerni ilinniartup immikkut tunniussaqaq qularnaarneqarsinnaappat, aatsaat ataasiakkaanik nalilersuisoqarsinnaavoq. Immikkut pinnittarnissaq qanoq pisassanersoq ilinniartitsinermut pilersaarummi allassimassaaq.

Imm. 4. Allattariarsorluni eqimattakkaanik soraarummeersitsinermi ilinniartut ataasiakkaarlugit nalilersorneqassanngippata, suliasamat akissut oqaluttariarsorluni soraarummeerni tulliuttumi nalilersuinermit ilanngunneqarsinnaavoq.

§ 17. Angusarisat tulleriiaarnerat nalilersuinerillu allat pillugit nalunaarummi maleruagassat malillugit nalilersuineq pissaaq.

Imm. 2. Angusarisat nalilersuinermit tunniunneqartut angusarisat allattorsimaffiannut, soraarummeersitsisumit nalileeqataasumillu atsiorneqarlutik uppersaaserneqassapput.

Imm. 3. Ilinniartumik oqaluttariarsorluni misilitsinnerup naliliiffigineqarnera ilinniartumut ingerlaannaq nalunaarutigineqassaaq.

Imm. 4. Allattariarsorluni misilitsinnerit nalilernerit suliasap akineranit kingusinnerpaamik sapaatit akunnerit arfinillit qaangiunneranni ilinniartumut nalunaarutigineqareersimassapput.

Kapitali 5

Soraarummeernerup ingerlanneqarnera

§ 18. Oqaluttariarsorluni soraarummeernerit aamma soraarummeernerit suliaqarluni akissuteqarfiusut tamanut ammasuupput.

Imm. 2. Imm. 1-imi aalajangersagaq ilinniarfiup avaqqussinnaavaa aamma init soraarummeerfiussat killiliiffigisinnaallugit, tamatumuuna immikkut ittumik pissutissaqartillugu aamma ilinniartoq eqqarsaatigineqartussaattillugu imaluunniit inissaqarneq eqqarsaatigalugu.

Imm. 3. Imm. 2-mi aalajangersagaq apeqqutaatinnagu, soraarummeernerup ingerlanneqarneranut atatillugu eqqissisimanissaq qulakkiissallugu pisariaqarsorinarpat inuit ataasiakkaat inuit soraarummeerfiusunut isernissaat itigartitsissutigineqarsinnaavoq.

Imm. 4. Oqaluttariarsorluni soraarummeernermit, tassani ilinniartut eqimattakkaatut sulinerminni naammassisaat tunngavigalugit ilinniartumik naliliisoqartillugu, eqimattakkaani ilinniartut allat namminneq naliliiffigineqartinnatik inimi najuussinnaanngillat.

Imm. 5. Soraarummeernerup nipitaanik immiussinerit assiliinerlu inerteqqutaapput, immiussinerit nalilersuinerup ingerlanneranut immikkoortutut ilanngunneqassanngippata. Taamaattoqassappat immiussinerit ilinniarfiup suliarissavai.

Imm. 6. Suliaqarluni oqaluttariarsorlunilu soraarummeernerit, suliniutinik oqaluttariarsorluni illersuinerit ilanngullugit, nalilersornerinut atatillugu oqaluserinninnermit soraarummeersitsisoq nalileeqataasorlu kisimik najuussinnaapput.

Imm. 7. Imm. 5-imi aalajangersagaq apeqqutaatinnagu ilinniarfik aalajangiisinnaavoq soraarummeersitsisup nalileeqataasullu naliliinermik oqaluserinninnerat soraarummeersitsisartunngortussat isiginnaarsinnaagaat.

§ 19. Ilinniakkami oqaatsit ilinniartitsissutaasut atorlugit soraarummeernerit ingerlanneqassapput.

Imm. 2. Ilinniartup qinnuteqarnera malillugu ilinniartitsinermit oqaatsit allat atorlugit soraarummeerneq ilinniartup ingerlatissavaa, nalileeqataasup paasippagu nalileeqataasoq, soraarummeersitsisoq ilinniartorlu ilinniartitsinermit oqaatsit atorlugit allamik oqalussinnaasut.

Imm. 3. Imm. 1 aamma imm. 2-mi aalajangersakkat ilinniartitsinermit pilersaarummi ilinniartup avaqqussinnaavai.

Imm. 4. Pissutsit periarfissiippata torrutiinnarlugu oqalutseqarnissaq ilinniartup neqeroorutigisinnaavaa, pingaartumillu oqalutsimik pisariaqartumik ikiorsiisinnaasumik ilinniarfik piareersimasoqarpat soraarummeernerullu pitsaassusia neqeroorutip ajornerulersinngippagu.

Imm. 5. Ilinniartut, oqaatsinik ilinniartitsissutaasunit allaanerusumik ilitsoqqussaminnik oqaasillit, tak. imm. 1. soraarummeernerup piareersarnissaanut, soraarummeernermit ilitersuinissamut aamma allattariarsorluni soraarummeernerup ingerlannissaanut piffissaliunneqartup 25 procentianik ilallugu immikkut piffissalerneqassapput.

Imm. 6. Imm. 2. malillugu ilinniartup aalajangiinera aamma imm. 4. malillugu neqeroorutaa, soraarummeernerup ingerlannissaa kingusinnerpaamik ullut 14-it sioqqullugit tamanut saqqummiunneqassapput.

Imm. 7. Ilinniartup aalajangiinera imaluunniit neqeroorutaa nalileeqataasup, soraarummeersitsisup imaluunniit torrutiinnarlugu oqalutsip pisinnaanginnera pissutigalugu naammassineqarsinnaanngippat, soraarummeerneq ilinniartitsinermit oqaatsit atorlugit ingerlanneqassaaq.

§ 20. Soraarummeernerit ingerlanneqarnerinut, allattariarsorluni soraarummeerni ilinniartut nakkutigineri ilanngullugit, ilinniarfik malittarisassiussaaq.

Imm. 2. Soraarummeernerup ingerlanneqarneranut malittarisassat suliarineqassapput ilinniartut innarlutillit aamma ilinniartut perorsaanermit immikkut ittumik iliuuseqarfigineqartussat immikkut ittumik atugassaqartitaallutik soraarummeersinnaanngortillugit.

§ 21. Soraarummeernerit ingerlanneqarnerini ilinniartut sulinerminni naapertuuttunik atugassaqarnissaat ilinniartup qulakkiissavaa.

Imm. 2. Soraarummeernerup ingerlanneqarnerani ilinniartut eqqunngitsumik iluaqtissat anguniarlugit attaveqarsinnaannginnissaat ilinniartup qulakkiissavaa.

§ 22. Soraarummeernermit atatillugu iluaqtissat, iluaqtissat innaallagissamoortut ilanngullugit, ilinniartitsinermit pilersaarummi, soraarummeernermit suliassami imaluunniit maleruagassani ilinniartitaanermit atuuttut allassimasut malillugit akuerisaapput.

Imm. 2. Iluaqtissat innaallagissamoortut atorlugit soraarummeernerit assersuutigalugu piginnaasat eqqarsaatigalugit tamatumani atuinissaq ilinniartup aalajangersinnaavaa.

§ 23. Suliassat, piareersarluni atorlugit imaluunniit suliassap qulequtaa ilinniartumut agguanneqarpat imaluunniit soraarummeernermit tunngasumik ilinniartoq apeqqutigineqartussamik ilisimatinneqareerpat soraarummeerneq aallartittut isigineqassaaq.

Imm. 2. Ilinniartoq, allattariarsorluni soraarummeernermit inortuisoq taamaallaat soraarummeernermit peqataasinnaavoq, ilinniartoq suliassaq pillugu paasissutissanik tigusaqarsimangitsut ilinniartup isigippagu aammalu kinguaattoornermit ilinniartoq pisuussuteqarsorinngippagu.

Imm. 3. Ilinniartuq, oqaluttariarsorluni soraarummeernissamut inortuisoq, ilinniartuup pisuussuteqarsorinngippagu, oqaluttariarsorluni soraarummeerneramik nutaamik neqeroorfigineqarsinnaavoq.

§ 24. Ilinniartup allattariarsorluni akissutip tunniunnerani atsiorderminik, digitaliusinnaasumik, uppersassavaa akissut eqqunngitsumik ikiorneqarani suliarineqartoq aammalu nalilerneqartussatut kissaatigineqartut ilinniartup suliani tamakkerlugit tunniukkai.

§ 25. Ilinniartuq soraarummeernermini suliasap akinissaanut unioqqutitsilluni ikiortissarsiorsimappat imaluunniit ilinniartumik allamik ikiuisimappat, ilinniartuup ilinniartuq soraarummeerfimmitt peersissavaa.

Imm. 2. Soraarummeernerup ingerlannerani kingornaluunniit ilinniartuq eqqunngitsuliorluni ikiortissarsiorsorineqarpat imaluunniit ikiuisimasorineqarpat, allap suliaamik saqqummiimasorineqarpat imaluunniit innersuussinani siusinnerusukkut suliaminik nalilerneqareersumik atuisimasorineqarpat, ilinniartuup pisussaaffigaa tamanna misissussallugu. Pisimasorisaaq uppersarneqarpat iliuuserisarluni naliliinnermut pingaaruteqartuuppat pingaaruteqarsinnaalluniluunniit ilinniartuup ilinniartuq soraarummeerfimmitt peersissavaa.

Imm. 3. Soraarummeernerup nalaani ilinniartuq akornusersuuppat ilinniartuup ilinniartuq soraarummeerfimmitt peersissavaa. Pisuni ilungersunanginnerusuni ilinniartuup ilinniartuq mianersoqqussummik tuneqqaassavaa.

Imm. 4. Imm. 1-3 malillugit anisitaanerit malitsigissavaat, soraarummeernermi pineqartumi angusarisat atorunnaarnerat aammalu ilinniartup soraarummeerneramik misilitsinnermik ataatsimik atuisimamara, tamanna § 10, imm. 5 naapertorlugu.

§ 26. Ilinniartuup pisuni § 25-mi taaneqartuni, sukannernerusumik pisoqartillugu aalajangersinnaavaa ilinniartuq ilinniartumitt sivikinnerusumi sivisunerusumiluunniit anisitaassasoq.

Imm. 2. Imm. 1 malillugu ilinniartumik anisitsineq pippat, uteqqiinnerup ataavartumik anisitaassinnaanermik malitseqarsinnaanera pillugu ilinniartuq allakkatigut mianersoqqussummik tunineqassaaq.

§ 27. Soraarummeernerup nalaani paasineqarpat, soraarummeerneq kukkuneqartoq amigaateqartorluunniit, iluarsineq qanoq pissasoq ilinniartuup aalajangissavaa, soraarummeerneq taamaatinneqassanersoq piffissamilu allami ingerlanneqassanersoq ilanngullugu. Tamanna sioqqullugu periarfissaqarpat ilinniartuup naliliisussat isumasiussavaa.

Imm. 2. Iluarsineq imatut pissaq, ilinniartut atugassaqartinneqassallutik, nalinginnaasumik soraarummeernermi atugassaasunut pitsaanerpaamik sanilliunneqarsinnaasunik.

Imm. 3. Ilinniartuup nalilerpagu, imm. 1 malillugu kukkuneq ilinniartut naammassisaannut pingaaruteqartoq, ilinniartut eqqorneqartut soraarummeeqqinnissamik neqeroorfigineqassappat, tamanna immikkut soraarummeerneramik misiliinertut naatsorsornagu.

Imm. 4. Soraarummeeqqinneq ingerlanneqassappat tassani karakterit anguneqartut karakterit siullermik anguneqartut taarsissavaat, karakterit nutaat karakterinit siullermik anguneqartunit appasinnerussagalarpataluunniit.

Imm. 5. Imm. 1 malillugu kukkuneq pingaaruteqartuusoq ilinniartuup nalilerpagu, pisup ingerlanera ilinniartuup Ilinniartitaanermut Naalakkersuisoqarfimmitt nalunaarutigissavaa, taassuma

aalajangersinnaallugu soraarummeerneq atorunnaarsinneqassasoq nutaamillu taarserneqarluni.

Imm. 6. Suliassat kukkuneqartut Ilinniartitaanermut Naalakkersuisoqarfimmit atugassangortitaappata imissutigineqarlutilluunniit, suliassat 1 - 3-mi taaneqartut naalakkersuisoqarfiup isumagissavai.

Imm. 7. Kukkuneqarsinnaanera apeqqutaatinnagu soraarummeernerup naammassineqarnissaa aalajangerneqarpat, soraarummeernermi kukkunerit amigaatilluunniit pillugit nalileeataasoq ilisimatinneqassaaq.

Kapitali 6.

Naliliisut

Nalileeataasut

§ 28. Nalileeataasussat ilinniarfik alla peqatigaluguluunniit ilinniarfiup soraarummeernermit atatillugu nalileeataasussat toqqassavai tamanna § 17 malillugu.

Imm. 2. Nalileeataasoq ilinniarfimmi soraarummeernermit ingerlatsisumi atorfeqarsinnaangilaq aammalu ilinniartunik ilinniartitsinermit peqataasimassanani.

§ 29. Ilinniarneqartumut pineqartumut pisumi piumasaqaataasut, anguniagaasut periusaasullu, ilinniarneqartup atornissaanut periarfissaasut ilinniarsimasumillu pisariaqartitsisup pisariaqartinneqartut ilisimalluassavai aammalu ilinniarsimasatigut ataatsimut nalileeataasup nalileeataaaffissaminik qaffasinnerusumik piginnaaneqassalluni.

Imm. 2. Nalileeataasoq kalaallisut danskisullu oqallorissuussaaq.

Imm. 3. Imm. 2-mi aalajangersakkap malinnissaanut ilinniarfik periarfissaqanngikkuni, tassanga immikkut akuersissut pillugu Ilinniartitaanermut Naalakkersuisoqarfik ilinniarfiup qinnuteqarfigissaavaa.

Imm. 4. Imm. 3 malillugu immikkut akuersissutit pillugit najoqqutassat Ilinniartitaanermut Naalakkersuisoqarfiup aalajangersinnaavai.

§ 30. Soraarummeernerup ingerlanneqarnissaa sioqqullugu ilinniarnermut maleruagassat atuuttut pillugit ilinniarfiup nalileeataasusaaq ilisimatissavaa aammalu soraarummeernerup ingerlannissaanut kingusinnerpaamik sapaatip akunnera sioqqullugu atortunik nalileeataanermut pingaarutilinnik nalileeataasusaaq pilersorlugu.

Imm. 2. Nalileeataasoq suliassat suliarineqartarnerat pillugu inatsimmik malinnittussaavoq, suliamut attuumassuteqarneq nipangiusimasussaatitaanerlu pillugit maleruagassat ilanngullugit.

§ 31. Nalileeataasusaaq tassangaannartumik pisinnaajunnaarpat imaluunniit pissutsinik nalileeataasussap soraarummeernermit annussinnaaneranut aporfiusunik pisoqarpat, paarlatsitut nalileeataasussamik ilinniarfik toqqaasinnaavoq, nalileeataasusaaq ilinniarfimmi soraarummeernermit ingerlatsisumi atorfeqartoq ilanngullugu.

Imm. 2. Paarlatsisut nalileeataasussap nalileeataasunut piumasaqaatit sapinngisamik aamma naammassissavai, tak. § 29.

§ 32. Nalileeataasup nakkutigissavaa, periarfissaqartillugulu

- 1) ilinniartut piginnaanerisa nalilernissaat eqqarsaatigalugu misilitsinnerit ilinniarsimasatigut naleqquttumik tunngaveqarlutik naammassineqarnissaat, tak. § 1, imm. 1,
- 2) misilitsinnerit maleruagassat atuuttut malillugit naammassineqarnissaat, aammalu
- 3) ilinniartut assigiiartumik, naapertuuttumik tutsuiginartumillu, ilinniarnermut maleruagassanut naapertuuttumik, ilinniartitsinnermut pilersaarummi aamma karakteriliisarneq pillugu nalunaarummi maleruagassat ilanngullugit, nalilerneqarnissaat.

§ 33. Nalileeataasoq soraarummeersitsisoq aqutsisoralugu ilinniartumut apeqquteqarsinnaavoq.

§ 34. Nalunaarusiorsinnaanermut imaluunniit naammagittaalliornermik suliaqarsinnaanermut nalileeataasoq soraarummeersitsinerup nalaani allattuissaaq. Allattukkat minnerpaamik ukioq ataaseq toqqorneqassapput.

§ 35. Nalileeataasoq soraarummeernermit pissutsinik isornartoqarsorinnikkuni, nalileeataasoq nalileeataanermik nalunaarusiussaaq, Ilinniartitaanermut Naalackersuisoqarfimmut assilillugu ilinniarfimmut nassiunneqartussamik.

Imm. 2. Suliassaq pillugu ilinniarfik nassuiaasiussaaq, Ilinniartitaanermut Naalackersuisoqarfimmut nassiunneqartussamik.

Imm. 3. Ilinniartitaanermut Naalackersuisoqarfiup qinnuteqarnera malillugu soraarummeernerup ingerlanneqarnera aamma soraarummeernermit angusat pillugit nalileeataasoq Naalackersuisoqarfimmut nalunaaruteqassaaq.

Soraarummeersitsisut

§ 36. Soraarummeersitsisussaaq, soraarummeersitsinnermik aqutsisussaaq aamma soraarummeernermit uppersaatit eqqortumik immersornissaannik qulakkiisussaaq ilinniarfiup toqqassavaa, tak. § 2, imm. 2.

Imm. 2. Pissutsit immikkut ittut atuutinngippata, soraarummeersitsisoq tassaavoq ilinniartitsisoq, ilinniartunik fagimi soraarummeerutaasumi ilinniartitsisimasut akornanniittoq.

§ 37. Soraarummeersitsisoq ilinniarfimmut nalunaarutaasinnaasumut atuagassanik soraarummeersitsinerup nalaani allattuissaaq. Allattukkat minnerpaamik ukioq ataaseq toqqorneqassapput.

§ 38. Ilinniarfiup qinnuteqarnera malillugu soraarummeersitsisoq soraarummeernerup ingerlanneqarnera pillugu ilinniarfimmut nalunaaruteqassaaq.

§ 39. Soraarummeernerit ingerlanneqarnerisa kingorna piaarnerpaamik soraarummeerneq angusiffiusoq pillugu soraarummeernerimik uppersaart, kalaallisut danskisullu oqaasertaligaq ilinniartup tigussavaa. Ilinniartup tamanna pillugu qinnuteqarneq malillugu imaluunniit tamassuma maleruagassat allat malippagit soraarummeernerimik uppersaart tuluttut suliaritissinnaavaa.

Imm. 2. Uppersaartit ilusissaat ilinniartuup aalajangissavai aammalu Ilinniartitaanermut Naalakkersuisoqarfimmit oqartussaaffinnillu naleqquttunit akuerineqartussanik uppersaartinut skabeloniliorluni.

Imm. 3. Ilinniartuq faginik allami soraarummeerutigisaqaruni, soraarummeernerimik uppersaamma naqinneq M allanneqassaaq.

§ 40. Ilinniartumit tamanna pillugu qinnuteqarneq malillugu, ilinniartumut soraarummeernerimik angusinnigsumut uppersaart ilinniartuup tunniutissavaa.

Imm. 2. Ilinniartitsinerup naammassineqartup annertussusia, ilinniartup ilinniarsimasatigut qaffasissusia pillugit paasissutissanik, tamakkua saqqummiineri malillugit, uppersaart imaqassaaq, ilinniartup ilinniarsimasatigut qaffasissusianik naliliinermut iluaqutaasinnaasut.

§ 41. Soraarummeernerimut ataatsimut uppersaart siulleq taamaallaat ataaseq nassaassaassaaq tunniunneqarlunilu.

Imm. 2. Ilinniartuup tamanna pillugu ilinniartumit qinnuteqarneq malillugu soraarummeernerimik uppersaartip assilinera tunniussinnaavaa. Assilisap piviusuunera ilinniartumit uppersarneqassaaq.

§ 42. Paasissutissat, uppersaartinik tunniussinermut tunngaviusut, soraarummeernerup naammassinerata minnerpaamik ukiut 30 kingorna ilinniartuup toqqorsimassavai.

Imm. 2. Ilinniartuup atajunnaarpat, imaluunniit arlaannik peqquteqartumik imm. 1 naapertorlugu uppersaartit ilinniartuup toqqorsinnaanngippagit, allami isumannaatsumik toqqorsinissaq ilinniartuup qulakkiissavaa.

Kapitali 8

Soraarummeernerit pillugit naammagittaalliutit

§ 43. Soraarummeernerimut atatillugu ilinniarsimasanut tunngasut pillugit soorlu suliakkiunneqartoq, soraarummeernerup ingerlanera imaluunniit nalilerneru ilinniartup tunngavilersorlugu naammagittaalliutigisinnaavaa.

Imm. 2. Ilinniartuq angajoqqaatut oqartussaaffigineqarpat, angajoqqaatut oqartussaasut imm. 1 malillugu aamma naammagittaalliorsinnaapput.

Imm. 3. Imm. 1 imaluunniit imm. 2 malillugu naammagittaalliut allakkatiguusaaq taavalu qitiusumik ilinniarfiup siulersuisuinut imaluunniit inuussutissarsiornermik ilinniarfimmi qitiusumik ilinniarfiup ataatsimiititaliaanut soraarummeernermi angusat pisarnertut nalunaarutiginerisa kingusinnerpaamik sapaatit akunneri 2 kingorna tunniunneqassaaq.

Imm. 4. Naammagittaalliornermik suliassamut atugassanngorlugu ilinniartup imaluunniit angajoqqaatut oqartussaasut tamanna pillugu qinnuteqarnek malillugu suliakkiutaasup assilineranik aammalu allattariarsorluni soraarummeerneri ilinniartup akissutaasa assilinerinik tunineqassapput.

Imm. 5. Ilinniarfiup naammagittaalliorortoq naammagittaalliornermut ilitersuutissavaa, nutaamik naliliisoqarnera imaluunniit nutaamik soraarummeertoqarnera karakterinik appasinnerusunik inernejarsinnaanera ilanngullugu.

§ 44. § 43 naapertorlugu aalajangiineq allakkatiguusaaq tunngavilersorneqarlunilu, siunertarineqarsinnaalluni

- 1) nutaamik naliliinissamik neqeroorneq,
- 2) nutaamik soraarummeernissamik neqeroorneq, imaluunniit
- 3) naammagittaalliut akuerineqanngitsoq.

Imm. 2. Imm. 1 malillugu ilinniarfiup aalajangernerata kingorna ilinniartuq imaluunniit angajoqqaatut oqartussaasut erninnaq ilinniarfiup ilisimatissavai.

Imm. 3. Aalajangiineq nutaamik naliliinissamik imaluunniit nutaamik soraarummeernissamik malitseqarpat, aalajangiinerup tiguneranit sapaatit akunneri marluk iluini ilinniartup aalajangiineq allakkatigut akuerissavaa. Taamaangippat nutaamik naliliisoqassanngilaq imaluunniit nutaamik soraarummeertoqarani karakterilu siullermik anguneqartoq aalajangiusimaneqarluni.

§ 45. Nutaamik naliliinissaq imaluunniit nutaamik soraarummeernissaq pillugu aalajangiisoqarpat, tak. § 44, ilinniarfik piarnerpaamik nutaamik naliliisitsissaaq imaluunniit nutaamik soraarummeersitsilluni naliliisussanillu nutaanik toqqaalluni.

Imm. 2. Nutaamik soraarummeerneq napparsimasumik soraarummeersitsinermut atatillugu aaqqissuunneqarsinnaavoq, tamannalu soraarummeernerit nalaanniinnaalluni.

Imm. 3. Naliliisussat nutaat tassaasut soraarummeersitsisoq nalileeqataasorlu naammagittaalliornermik suliassap takussutissartai pillugit ilisimatinneqareersimassapput nutaamillu naliliineq tunngavilersugaassalluni.

Imm. 4. Nutaamik naliliinermi karakterit anguneqartut karakterit siullermik anguneqartut taarsissavaat, karakterit nutaat karakterinit siullermik anguneqartunit appasinnerussagaluarpataluunniit.

Imm. 5. Siullermik naliliisut nutaamik naliliineq taassumalu tunngavilersuutaa pillugit ilisimatinneqassapput.

§ 46. Soraarummeernermit atatillugu ilinniarfiup imaluunniit naliliisut aalajangiinerinut tunngatillugu naapertuutsitsinermut apeqqudit ilinniartup Ilinniartitaanermut Naalakkersuisoqarfimmut naammagittaalliutigisinnavaa, soraarummeernermit aaqqissuussinermut ingerlanneranullu maleruagassat malinneqarsimanersut ilanngullugit aamma suliassat suliarineqartarneri pillugu maleruagassat malinneqarsimanersut pillugu.

Imm. 2. Ilinniartuq angajoqqaatut oqartussaaffigineqarpat, imm. 1 malillugu angajoqqaatut

oqartussaasut aamma naammagittaalliorsinnaapput.

Imm. 3. Naammagittaalliorqoq pissutsinik naammagittaallutigineqartunik ilisimatinneqarneranit kingusinnerpaamik sapaatit akunneri marluk kingorna naammagittaalliut ilinniarfimmuut tunniunneqassaaq.

Imm. 4. Imm. 1 imaluunniit imm. 2 malillugu naammagittaalliorqarpat, naammagittaalliut suliassallu takussutissartai kiisalu ilinniarfiup suliassami nassuiaatai ilinniarfiup erniinnaq Ilinniarnermut Naalakkersuisoqarfimmuut nassiuutissavai. Suliassap qanoq aalajangiiffigisariaqarneranut inassuteqaammik ilinniarfiup nassuiaataa imaqaarsinnaavoq.

Imm. 5. Imm. 1 imaluunniit imm. 2 malillugu naammagittaalliornermik suliassi naalakkersuisoqarfik aalajangiiguni Ilinniarnermut Naalakkersuisoqarfiup ilinniarfik aamma naliliisut ilisimatissavai.

§ 47. Naammagittaalliutip suliarinerani ilinniartup ilinniarnini ingerlatiinnarsinnaavaa, tak. 46, ilinniartitsinermut pilersaarummi imaluunniit ilinniarneq pillugu maleruagassani allamik allassimasoqanngippat.

Kapitali 9

Atuutilersitsineq

§ 48. Nalunaarut 1. maj 2015-imi atuutilerpoq.

Namminersorlutik Oqartussat, ulloq 18. marts 2015

Nivi Olsen

/

Mikael Kristensen